



PROGRAM
SUFINANSIRANJA ZAPOŠLJAVANJA U JAVNIM
UNIVERZITETIMA/SVEUČILIŠTIMA U FEDERACIJI BIH

Sarajevo, oktobra/listopada 2019. godine

SADRŽAJ

1. Osnov za donošenje, izvor finansiranja i nosioci realizacije Programa	3
2. Cilj.....	3
3. Ciljna grupa	3
4. Korisnici	3
5. Poticajna mjera.....	3
6. Raspodjela predviđenih sredstava za realizaciju Programa	4
7. Način realizacije Programa.....	4
8. Dostavljanje i provjera dokumentacije.....	4
9. Pravljanje i isplata ugovorenih sredstava	4
10. Opće napomene.....	5
11. Kontrola i praćenje izvršenja ugovorenih obaveza.....	5

1. Osnov za donošenje, izvor finansiranja i nosioci realizacije Programa

U skladu sa Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 41/01, 22/05 i 9/08) i ciljevima iz Programa rada Federalnog zavoda za zapošljavanje za 2019. godinu sačinjen je Program sufinansiranja zapošljavanja u javnim univerzitetima/sveučilištima u Federaciji BiH (u daljem tekstu: Program).

Za realizaciju Programa predviđena su sredstva u iznosu od 1.065.400 KM u skladu sa pomenutom odlukom.

Federalni zavod za zapošljavanje (u daljem tekstu: Zavod) realizira Program u saradnji sa kantonalnim/županijskim službama za zapošljavanje (u daljem tekstu: Služba/službe) i javnim univerzitetima/sveučilištima u Federaciji BiH.

Izrazi u ovom dokumentu koji su napisani samo u jednom gramatičkom rodu odnose se podjednako na muški i ženski rod.

2. Cilj

Program se realizira s ciljem zapošljavanja asistenata/viših asistenata/stručnih saradnika/naučnih istraživača u javnim univerzitetima/sveučilištima u Federaciji BiH, radi jačanja ljudskih potencijala u svrhu poboljšanja obrazovnog procesa u javnim visokoškolskim ustanovama.

3. Ciljna grupa

Programom će se obuhvatiti:

- osobe definirane ciljnom grupom koje su sudjelovale u Programu sufinansiranja zapošljavanja u javnim univerzitetima/sveučilištima u Federaciji BiH, u 2017. i 2018. godini.
- osobe prijavljene na evidenciji nezaposlenih prije zaključenja Sporazuma o međusobnoj saradnji u realizaciji Programa (u daljem tekstu: Sporazum) koje ispunjavaju uvjete za zaposlenje u javnim univerzitetima/sveučilištima u Federaciji BiH na poslovima asistenata/viših asistenata/stručnih saradnika/naučnih istraživača.

4. Korisnici

Korisnici Programa su javni univerziteti/sveučilišta u Federaciji BiH i nezaposlene osobe utvrđene ciljnom grupom.

5. Poticajna mjera

Programom je određeno sufinansiranje zapošljavanja asistenata /viših asistenata/stručnih saradnika/naučnih istraživača u javnim univerzitetima/sveučilištima u Federaciji BiH, uz zasnivanje radnog odnosa u trajanju od 12 mjeseci.

Programom je određeno sufinansiranje dijela troškova obaveznih doprinosa i/ili dijela neto plaće u iznosu do 800 KM mjesečno po osobi u trajanju od 12 mjeseci.

Univerzitet/sveučilište se obavezuje da će osigurati razliku sredstava iz vlastitih izvora za isplatu ukupnog iznosa bruto plaće, u skladu sa svojim internim aktima, za svaku osobu čije se zapošljavanje sufinansira.

6. Raspodjela predviđenih sredstava za realizaciju Programa

Za realizaciju Programa, a prema dostavljenim podacima o broju studenata, određena je sljedeća raspodjela sredstava po univerzitetima/sveučilištima:

Tabela 1: Raspodjela sredstava po univerzitetima

KANTON/ŽUPANIJA	Iznos sredstava u KM
Univerzitet u Sarajevu	345.600
Sveučilište u Mostaru	211.000
Univerzitet u Tuzli	144.000
Univerzitet u Zenici	115.200
Univerzitet "Džemal Bijedić" Mostar	144.000
Univerzitet u Bihácu	105.600
UKUPNO	1.065.400

7. Način realizacije Programa

Zavod će s kantonalnim/županijskim službama za zapošljavanje i univerzitetima/sveučilištima potpisati Sporazum o međusobnoj saradnji u realizaciji Programa kojim će se odrediti međusobna prava i obaveze.

8. Dostavljanje i provjera dokumentacije

Univerzitet/sveučilište radi učešća u Programu Službi dostavlja sljedeću dokumentaciju za Programom određeni broj osoba:

- kopiju ugovora o radu za osobu koja se zapošljava,
- kopiju prijave na obavezna osiguranja u Poreznoj upravi Federacije BiH - obrazac JS 3100,
- broj računa u poslovnoj banci na koji će se sredstva doznačiti.

Služba provjerava validnost dostavljene dokumentacije.

9. Pravljanje i isplata ugovorenih sredstava

Po potpisivanju Sporazuma Zavod isplaćuje na račun Službe jednu četvrtinu Programom određenog iznosa sredstava, a preostala sredstva kvartalno po dostavljenim Izvještajima o izvršenim isplatama sredstava od Službe, zajedno sa prilogom koji čine kopije ugovora o radu sa sufinansiranim osobama, te obrasce prijave sufinansiranih osoba na obavezna osiguranja putem Porezne uprave (Obrazac JS 3100).

Nakon potpisivanja Sporazuma, univerzitet/sveučilište je u obavezi da, najdalje do kraja mjeseca za protekli mjesec, Službi dostavlja:

- specifikaciju uz isplatu plaća zaposlenika u radnom odnosu kod pravnih i fizičkih lica (Obrazac 2001), ovjerenu u Poreznoj upravi Federacije BiH,
- kopiju izvoda iz banke iz kojih je vidljiva isplata pojedinačne plaće za sufinansiranu osobu
- platnu listu, izuzetno u slučaju kada podatak o isplati pojedinačne plaće ne odgovara iznosu sufinansiranja iz Ugovora.

Služba provjerava i obrađuje prispjelu dokumentaciju na osnovu koje univerzitetu/sveučilištu refundira opravdani iznos za protekli mjesec. Služba priprema i kvartalno dostavlja Zavodu Izvještaj o izvršenim isplatama sredstava.

10. Opće napomene

Na sve mjere iz ovog programa u pogledu zaključivanja, trajanja i raskida ugovora o radu analogno se primjenjuju slijedeća pravila:

- U slučaju raskida ugovora o radu sa sufinansiranom osobom može se u roku od 15 dana, za preostali period ugovorne obaveze, zaključiti ugovor o radu sa zamjenskom nezaposlenom osobom koja mora biti na evidenciji nezaposlenih najmanje dan ranije u odnosu na dan zaključivanja ugovora o radu. Univerzitet/sveučilište je, prilikom narednog pravdanja, dužno dostaviti Službi dokaz (kopiju otkaza ugovora o radu za prvo zaposlenu osobu, kopiju ugovora o radu sa zamjenskom osobom, kopiju objave za prvo zaposlenu i prijave za zamjensku osobu na obavezna osiguranja u Poreznoj upravi Federacije BiH, odnosno obrazac JS 3100).
- U slučaju nezaključivanja ugovora o radu sa drugom (zamjenskom) nezaposlenom osobom obračunati i refundirati će se do tada opravdani iznos sredstava za osobu s kojom je raskinut ugovor o radu, a za eventualne ostale osobe čije se zapošljavanje sufinansira kod nastaviti će se postupanje u skladu sa zaključenim Sporazumom.
- U slučaju nastupanja okolnosti da je sufinansirana osoba privremeno spriječena za rad duže od 42 dana ili koristi porodiljsko odsustvo, univerzitetu/sveučilištu se za taj period isplaćuje iznos u visini razlike ugovorenog sufinansiranog iznosa, ukoliko je za isti dostavio pravdanje, i iznosa koji se refundira od nadležnog organa, a radi izbjegavanja eventualne duple naplate sredstava.
- Radi efikasnosti i ekonomičnosti realizacije Programa, sve eventualne izmjene sporazuma, a koje se odnose na podatke o nezaposlenim osobama, te obračun i refundaciju do tada opravdanog iznosa sredstava za osobu s kojom je raskinut ugovor o radu, ugovorne strane prihvataju bez posebnih anexa ovom ugovoru a uz validnu dokumentaciju koja opravdava te izmjene.

11. Kontrola i praćenje izvršenja ugovorenih obaveza

Služba će kontinuirano pratiti realizaciju Sporazumom određenih obaveza, i to:

- provjerom dokumentacije koju univerzitet/sveučilište redovno dostavlja radi pravdanja odobrenih sredstava,
- provjerom podataka na portalu Porezne uprave Federacije BiH,
- prema potrebi i kontrolom provođenja ugovorenih obaveza neposredno kod univerziteta/sveučilišta.

Ukoliko se praćenjem realizacije ugovorenih obaveza poslodavca utvrdi da ih poslodavac ne ispunjava, Služba će pokrenuti postupak raskida ugovora.